



Grad Sarajevo
City of Sarajevo

Bosna i Hercegovina
Federacija Bosne i Hercegovine
Kanton Sarajevo
Grad Sarajevo
GRADSKO VIJEĆE

Odluka
o usvajanju sadržaja teksta Spomen-obilježja civilnim žrtvama zločina opsade Sarajeva
1992-1996
(Prijedlog)

Predlagač: Komisija za spomenike
Obrađivač: Služba za urbano planiranje,
investicije, stambene i komunalne poslove

Sarajevo, novembar 2024. godine

Adresa: Hamdije Kreševljakovića 3
71 000 Sarajevo
Tel.: +387 33 216 659
Fax: +387 33 205 874
Email: gsgv@sarajevo.ba
Web: gradskovijece.sarajevo.ba



Na osnovu člana 31. stav (1) tačka b) Statuta Grada Sarajeva („Službene novine Kantona Sarajevo“, broj 7/23) i člana 20. Odluke o spomenicima od značaja za Grad Sarajevo („Službene novine Kantona Sarajevo“, br. 49/19, 28/20 – Ispravka), Gradsko vijeće Grada Sarajeva, na __. sjednici održanoj dana __. __. 2024. godine, donijelo je:

(Prijedlog)

**Odluku
o usvajanju sadržaja teksta Spomen-obilježja civilnim žrtvama zločina opsade Sarajeva
1992-1996**

**Član 1.
(Predmet)**

- (1) Usvaja se tekst Spomen-obilježja civilnim žrtvama zločina opsade Sarajeva 1992-1996, izrađen od strane Udruženja – Unija civilnih žrtava rata Kantona Sarajevo (u daljnjem tekstu: Udruženje) u skladu sa Sporazumom Grada Sarajeva i Udruženja broj 01/09-04-2008/24 od 21.02.2024. godine koji glasi:

Naziv spomenika: „CIVILNE ŽRTVE ZLOČINA OPSADE SARAJEVA 1992-1996“

Tekst: „Tokom opsade Sarajeva od 1992. do 1996. godine ubijen je najmanje 11 541 građanin, od čega više od 5564 civila. Grad su 1425 dana pod opsadom držale vojne i policijske snage Savezne Republike Jugoslavije (Srbija i Crna Gora) i samoproglašene Republike srpske.

Unija civilnih žrtava rata Kantona Sarajevo s velikim pijetetom pripremila je popis imena civilnih žrtava rata, s ciljem njihove memoralizacije.“

- (2) Spisak imena ubijenih građana Sarajeva bit će istaknut u skladu sa evidencijom Udruženja u skladu sa Sporazumom iz stava (1).
- (3) U potpisu teksta bit će istaknut Grad Sarajevo i QR kod putem kojeg će se pristupiti sadržaju koji obezbjeđuje Udruženje sa relevantnim podacima Haškog tribunala.
- (4) Troškove usluge interneta za pristup QR kodu snosi Grad Sarajevo u okviru održavanja Spomen-obilježja.

**Član 2.
(Stupanje na snagu)**

Ova odluka stupa na snagu narednog dana od dana objavljivanja u „Službenim novinama Kantona Sarajevo“.

PREDSJEDAVAJUĆI GRADSKOG VIJEĆA

Jasmin Ademović

**Broj:
Sarajevo, __. __. 2024. godine**

O B R A Z L O Ž E N J E

PRAVNI OSNOV

Pravni osnov za donošenje ove odluke sadržan je u odredbama člana 31. stav (1) tačka b) Statuta Grada Sarajeva („Službene novine Kantona Sarajevo“, broj 7/23) kojim je propisano da Gradsko vijeće donosi odluke, druge propise i opće akte i daje njihovo tumačenje.

Pravni osnov sadržan je i u članu 20. Odluke o spomenicima od značaja za Grad Sarajevo („Službene novine Kantona Sarajevo“, br. 49/19, 28/20 – Ispravka) kojim je propisano da Odluku o podizanju spomenika od značaja za Grad Sarajevo donosi Gradsko vijeće Grada Sarajeva.

RAZLOZI DONOŠENJA I PRAVNA RJEŠENJA

Gradsko vijeće je usvojilo Odluku o podizanju Spomen-obilježja civilnim žrtvama zločina opsade Sarajeva 1992-1996, na prethodnoj oktobarskoj sjednici sa izabranim idejnim rješenjem.

Iako je Gradsko vijeće tada upoznato sa predloženim tekstom koji će stajati na Spomen-obilježju, nije bilo mogućnosti da se predmetni tekst i ostali bitan sadržaj integrira u izabrano idejno rješenje, obzirom da je isto autorsko djelo.

Obzirom na navedeno, potrebno je usvojiti predmetnu odluku koja će uključiti preloženi sadržaj teksta od strane Udruženja – Unija civilnih žrtava rata Kantona Sarajevo, kako bi se isti mogao upisati na Spomen-obilježje kada bude izgrađeno.

S tim u vezi, Komisija za spomenike Gradskog vijeća utvrđuje Prijedlog Odluke i upućuje ga Gradskom vijeću na razmatranje.

Sadržaj koji će se nalaziti na spomeniku je u skladu sa sporazumom Grada Sarajeva i Udruženja broj 01/09-04-2008/24 od 21.02.2024. godine kojim su definirane obaveze Udruženja da obezbijedi relevantne i tačne podatke o žrtvama.

U potpisu teksta bit će istaknut Grad Sarajevo i QR kod putem kojeg će se pristupiti sadržaju koji obezbjeđuje Udruženje sa relevantnim podacima Haškog tribunala.

Troškove usluge interneta za pristup QR kodu snosi Grad Sarajevo u okviru održavanja spomen-obilježja.

Odluka stupa na snagu narednog dana od dana objavljivanja u „Službenim novinama Kantona Sarajevo“.

FINANSIJSKA SREDSTVA

Za realizaciju ove odluke potrebno je planirati sredstva u Budžetu Grada Sarajeva.